

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



যুক্তরাষ্ট্রের রাষ্ট্রদূত ড্যান মজীনার বক্তব্য রিলিফ ইন্টারন্যাশনাল অ্যান্টি-ট্র্যাফিকিং ইয়থ ফেস্টিভ্যাল

আশেক মাহমুদ কলেজ

জামালপুর

১৮ই জুলাই, ২০১২

মাননীয় উপকমিশনার, জামালপুর, মোঃ সিরাজ উদ্দিন আহমেদ

মাননীয় মেয়র, জামালপুর, অ্যাডভোকেট শাহ ওয়ারেস আলী মাঝুন

প্রস্তুত থাকুন...

দু'টি সাধারণ শব্দ...

...এই শব্দগুলো বিশ্বব্যাপী বয় স্কার্টদের মূল মন্ত্র হিসেবে ব্যবহৃত হয়...

...তবে, এগুলো এমন শব্দ যেগুলো জামালপুরে দারূণ প্রভাব ফেলতে পারে, পার্থক্য গড়ে দিতে পারে...

...একটি স্বাভাবিক জীবনধারার মধ্য দিয়ে বেড়ে ওঠা ও একটি পরিবারের ভরণপোষণ করার মধ্যে যে পার্থক্য...

...কিংবা একটি নিপীড়ন ও শোষণমূলক বিশ্বে পাচার হয়ে আধুনিক দাসত্বের জীবন অতিবাহিত করার সাথে

পার্থক্য...

আমি জানি এটা বিশ্বাস করা খুবই কঠিন।

তবে, এখানে, ঠিক এই জামালপুরে এমন মানুষ আছে ...এমন মানুষ যাদেরকে আপনারা চেনেন -- বন্ধুবান্ধব, আত্মীয়স্বজন, প্রতিবেশী -- যারা আপনাকে পাচার করার মাধ্যমে টাকা আয়ের চেষ্টা করে... ছেলে, মেয়ে, নারী, পুরুষ... তাদেরকে এমন এক পরিস্থিতিতে ঠেলে দেয়া হয় যেখানে তাদের জোরপূর্বক পতিতাবৃত্তি কিংবা বাধ্যতামূলক শ্রমে অংশগ্রহণে বাধ্য করা হয়।

এসব লোকেরা যারা আপনাকে একটি অত্যাচার ও শোষণের পৃথিবীতে বিক্রি করে লাভের আশা করে তারা পিশাচ, জঘন্য অপরাধী।

তবে, আপনারা, জামালপুরের ভালো মানুষেরা, আপনারা অত্যন্ত সৌভাগ্যবান।

আপনাদের জনগোষ্ঠীর নেতৃবৃন্দ সিদ্ধান্ত নিয়েছেন যে তারা এ অবস্থার বিরুদ্ধে লড়বে; যেসব মানুষ আপনাদেরকে ব্যবহার করে অর্থ বানাতে চায় তাদের কাছ থেকে নিজ জনগোষ্ঠীকে রক্ষা করার সিদ্ধান্ত নিয়েছেন তারা।

আমি গর্বিত যে বাংলাদেশ সরকারের সঙ্গে অংশীদারিত্বে ও আপনাদের স্থানীয় নেতৃবৃন্দের সঙ্গে এবং রিলিফ ইন্টারন্যাশনাল ও ঢাকা আহসানিয়া মিশন-এর সাথে সবাই একত্রে মিলে আমেরিকা জামালপুরকে এমন লোকজনের হাত থেকে রক্ষা করতে সহায়তা করছে যারা নিজেদের গোষ্ঠীরই মানুষদেরকে অর্থাৎ আপনাকে পাচার করে নিজেরা ধনী হওয়ার অপচেষ্টা করে।

আমরা জামালপুরকে এই পাচারকারীদের বিরুদ্ধে লড়তে সহায়তা করছি...

- বর্তমানে ২৭টি ইউনিয়নে ২৭টি পাচারবিরোধী জনগোষ্ঠী কমিটি কাজ করছে
- সমাজের সকলের মাঝে মানুষ পাচারের বিরুদ্ধে সচেতনতা গড়ে তোলার জন্য এই কমিটিগুলো আপনাদের জনগোষ্ঠীর প্রায় ৩০,০০০ সদস্যের সঙ্গে আলোচনা করেছে
- আপনাদের জনগোষ্ঠীর মাঝে যারা সবচাইতে বেশী পাচার হওয়ার ঝুঁকির মুখে রয়েছে বিশেষভাবে তাদেরকে চিহ্নিত করার জন্য এই কমিটিগুলো কঠিন পরিশ্রম করছে
- আর তারা সমাজের তরুণ সদস্যদের সঙ্গে বিশেষভাবে কাজ করছে যাতে তাদেরকে এধরনের শোষণমূলক পরিস্থিতির প্রতি মোহিত হওয়ার বিপদ সম্বন্ধে সচেতন করে তোলা যায়।

আজকের এই উৎসব পাচার হওয়ার ঝুঁকি সম্বন্ধে মানুষকে আরো সচেতন করে তোলার প্রয়াসের এক গুরুত্বপূর্ণ অংশ।

আমি আশা করবো যে আপনারা সময় নিয়ে ‘ইযুথ মিনি-সার্ভিস’ প্রকল্পের আওতাধীন দেয়ালিকা প্রদর্শনী পর্যালোচনা করবেন যাতে করে এই পরিস্থিতি রোধে কি করা হচ্ছে সেটা সম্বন্ধে আরো জানতে পারেন। আর যার ফলে এই জনগোষ্ঠীর সদস্যদের দাসত্ব ও আধুনিক দাসত্বের মধ্যে আবদ্ধ করে লাভ করার অপচেষ্টাকারীদের হাত থেকে এই জনগোষ্ঠীর সদস্যদের নিরাপত্তা নিশ্চিত করা যায়।

আমার বিশ্বাস আমরা সবাই... আমেরিকা, বাংলাদেশ সরকার, স্থানীয় নেতৃবৃন্দ, রিলিফ ইন্টারন্যাশনাল, ঢাকা আহসানিয়া মিশন...

....আমরা সবাই একত্রিত হবো, একসঙ্গে কাজ করবো...

...আমরা এই মানুষ পাচার ব্যাধির হাত থেকে রক্ষা পাবো...

...এবং জামালপুরের সকল মানুষকে সুরক্ষিত করতে পারবো...

মানবপাচারের ব্যাধির বিরুদ্ধে লড়াইয়ে আমেরিকা বাংলাদেশের অংশীদার হতে পেরে গর্বিত।

ধন্যবাদ।

=====

*বড়তার জন্য প্রস্তুত